

جَزَائِرِ حَاكِمِ

جمعه ایرتسی

نومرو	ذی القعدة	سنه	مايس	سنه	صفیفة
۸۲۲	۲۳	۱۳۱۲	۶	۱۳۱۱	۱۱۴۶۹

(اشبو غزته بهر هفته جمعه ایرتسی کونلری جیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخہ سی ینہ مجیدیه یکر می غروش اولق اوزره یوزپارہ یه هر یرده صالیور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانتلر عدلیه نظارتی)
 (دأره سنده کأن جریده حاکم اداره سنه مراجعت ایملیدر)

طقوزنجی ماده سی موجبہ تدقیقات تمیزیہ
 اجراسنه ابتدار اولندی .


قسم غیر رسمی

اعلام مذکورک خلاصه مالی مزبوره علی
 اغاک ابراز ایتدیکی برقطعه سند موجبہ
 مرقوم عثمان اغا ذمتده الاجبی اولان درت
 عدد عثمانلی لیراسنک تحصیباتی طلب ودعوی
 ومدعی علیہ عثمان اغا دخی سند مذکور زیرنده کی
 مهرینی اقرار ایدوب انحق مدعی علی اغاک
 مختارلقده بولندی هسکامده کندیسنک املاک
 ویرکوسندن میری یه اولان ذمتی ادا ایتک اوزره

اچہ اباد قضای بدایت محکمه سندن ۲۷ مارت
 سنه ۳۰۷ تاریخ و بر عددی ایلہ ویریلان اعلامک
 تمیزی استعدا ایدن قضاء مزبورک قلعہ نما
 قریه سنده ساکن زراعدن چلیک اوغلی عثمان
 اغا ایلہ میز علیہ قریه مذکورده مقیم رنجبرانندن
 برنجی اوغلی علی اغایوم معینده دأره یه کلدکلرندن
 اصول محاکمه حقوقیه قانونسک ایکوز یکر می

سند مزبوری اعطا ایلمش اولدینی حالد مدعی
مرقوم جانبندن دین مذکورک تأدیہ اولمديغندن
مؤخرأ کندیسندن تحصیل قلهرق بدلی المقسزین
برمنوال مشروح سند مذکورى ویردیگی
ومدعی علیه مرقومك انکاری حالنده اجرای
تحلیفی لزومنی مدافعة درمیان وتذکار ایتمش
ایسهده مدعی علیه مرقومك دفع مشروحي
شایان انفاذ اولمديغندن ومقرلهده کی جهالت ایسه
مجله نك بیک بشیوز یتمش سکرنجی ماده سنده
محرر جهالت کیره دن معدود اولوب اقرارک
صحتنه مانع اولمیه جفتدن ماده مذکور حکمه
توفیقاً مبلغ مزبورک مرقوم عثمان اغادن تحصیلنه
حکمدن واشبو حکم علیهده مستدعی تمیز
عثمان اغانک لایحه سنده محرر باشلوجه اعتراضی
اقرار بالکتابه سنده کاذب اولدینی ادا ایلدیگی
جهتله خصمک اجرای تحلیفی لازم کلور ایکن
بلا سبب ادعا سنک رد ایدلمسی مغایر قانون
اولدیفندن بختله اعلامک نقضی استدعا سندن
ومیز علیهک لایحه سنده مندرج نتیجه جوابی دخی
خصمی مرقومك مهرینی اقرار ایتسی مضمون
سندی اقرار دیمک اولدینی واشبو اقرار ایل
مؤاخذه اوله جفی بیانیه موافق قانون اولان
اعلامک تصدیقی طلبندن عبارتدر .

اخذینه ۱۶ تشرین اول سنه ۳۰۹ تاریخنده
متفقاً قرار ویرلدى .



ازمیر تجارت محکمه سندن ۳۰ تموز سنه ۳۰۷
تاریخی ویتمش درت عددی ایل ویریلان اعلامک
تمیزینی ازمیرده مقیم تجاردن شاملی یوسف مراش
افندی باعرض حال استدعا ایتدیکی حالد یوم
معینده دائریه کلیوب میز علیه ازمیرده یتمش
چارشوسنده ساکن باش قلفه اوغلی ایساق وکیلی
نظیف افندیکنک ورود ایتمش اولمسیله ایضاحات
شفاهیسی استماع اولندقدن صکره تدقیقات تمیزیه
اجراسنه ابتدار قلندی .

اعلام مذکورک خلاصه مآلی مومی الیه یوسف
مراش افندیکنک کندی معرفتیه معلوم الاسامی
تجاردن مبایعه ایتمش اولدینی ایکوز ایکی بیک
التیوز التمش سکر غروشلق اینجیرک عرف بلده
وجهله اجرت سمساریه سنک بالغ اولدینی قرق

بش لیرایی کندوسنه ویرمک اوزره بایملردن
ایقویتمش ایکن ایفاسنده ممانعت ایتدیکنندن بختله
مبلغ مزبورک تحصیلی حقنده مرقوم ایساق
جانبندن تجار مومی الیه مک امضاسنی حاوی بر
قطعه شهادتنامه ابرازیله اقامه اولنان دعوایه قارشو
مومی الیه یوسف مراش افندی دخی اموال
مذ کوره بی مدعی مرقومدن تاجر صفتیه اشترا
ایتدیکی ایچون اجرت سمساریه اعطاسنی لازم
کلیوب مع هذا مذکور شهادتنامه ده اسامیسی محرر
تاجر لک محکمه ده وقوعبوله جق افاده لیرینی قبول
ایده جکینی مدافعة درمیان ایتمش ایسهده مدعی
علیهک اموال مذ کوره بی مدعی مرقوم معرفتیه
اشترا ایدرک اجرت سمساریه بی دخی کندوسنه
ویرمک اوزره نزدنده توقیف ایلدیکی ذکر اولنان
شهادتنامه وعندالحاکمه جلب ایدیلان تجار مومی
الیهمدن حسنی ونیقوس وخاجی سرکر وخاجی
اوبک افندیلرک افاده لریله تحقق ایلدیکنه بشاء
مدعابه قرق بش لیرانک مع گذشته مومی الیه یوسف
مراش افندیکنک تحصیلنه حکمدن ومستدعی
تمیزک اشبو اعلام علیهده لایحه سنده محرر
باشلوجه اعتراضاتی عندالحاکمه ابراز اولنان
شهادتنامه ده امضاری بولنان اون نفر کساندن
محکمه به جلب وافاده لیرینه مراجعت اولنان اوج

نفرك شهادت و اخباراتی نفسلرینه راجع اولوب
دیگرلرینه سرایت ایتمه چکی بدیهی ایکن محکمه جه
بوراسنه دقت اولنیه رفق افاده واقعه لرینه بنای حکم
اولنسی مغایر قانون اولدیغندن بخله اعلامك نقضی
استدعاسندن ومدعی علیه وکیلنك نتیجه جوابی
دخی اعتراضات مسروده نك غیر وارد اولدینی
بیانیله ردی وموافق اصول وقانون اولان اعلامك
تصدیق طلبندن عبارت بولنمشدر .

ایجابی مذاکره اولندقدده اعلام مذکور
مألندن اکلشلدینی اوزره بدایه مدعی علیه بولنان
یوسف مرآش افندیك مرقوم ایساق معرفتیه
تجاریدن مبابه ایلدیکی مبرز شهادتنامه وعندالحاکمه
جلب ايله معلوماتلرینه مراجعت اولنان بایعلاردن
درت نفرینك افاده لرله تحقق ایدن معلوم المقدار
اینجیرك اجرت سمساریه سی اولان قرق بش
لیرانك تحصیلنه حکم وقرار ویرلش ایسه ده
مومی الیه مرآش افندی مذکور شهادتنامه ده
اسملری محرر تاجرك حضور محکمه ده وقوع
بوله جق افاده لرینی قبول ایده چکی درمیان ایتیش
اولسنه کوره تجار مومی الیه مکه جمله سنك جلب
ودعوت ایدیلهرك وقوع بوله جق افاده لری اوزرینه
وبوصورت ممکن اولمادیغی تقدیرده صور سائر

قانونیه دائره سنده مدعی مرقومه اثبات مدعا
ایتدیرله رك و اظهار عجز ایلدیکی حالده توجه
ایدن طرفه یمن ویردیرله رك کیفیتك تحت حکمه
النسی لازم کور ایکن محکمه مرقومه جه بورالری
نظر دفته النیه رفق مذکور شهادتنامه ده محرر -
الاسامی تجار مومی الیه مکن یالکر درت نفرینك
افاده لری اوزرینه برمنوال محرر حکم اعطاسی
قانونه مغایر ومستدعی تمیزك اعتراضی دخی
بوجهته متدائر اوله رفق موافق نفس الامر کورندیکنه
بناء اصول محاکمه حقوقیه قانون موقتك ایکوز
اوتوز ایکنجی ماده سی موجبجه اعلام مذکورك
نقضیه قانون مزبورك ایکوز قرق دردنچی
ماده سی حکمنه توقیفاً کیفیتك صورت مشروحه
دائرة سنده یکیدن بالرؤیه اعلامه ربطی ضمننده
محکمه مزبوره یه اعاده سنه وزیرده مفرداتی مرقم
درتیوز اون طقوز بچق غروش مسارف محاکمه نك
ایلروده حقسنر چیق جق طرفه رجوع ایتك
اوزره اول امرده مستدعی تمیزدن النسنه فی ۱۷
شباط سنه ۳۰۷ تاریخنده متفقاً قرار ویریلهرك
تفهیم قلندی .

چال بدایت محکمه سندن ۱۲ مارت سنه ۳۰۶
تاریخی و یوز اوتوز بش عددی ايله ویریلان
اعلامك تمیزینی استدعا ایدن چال قضاسنه تابع
بکلو قریه سنده مقیم کلشن اوغلی احمد رفیق اغا
ایله مدعی علیه قریه مذکورده ساکن قایدیرمه
اوغلی حاجی ابراهیم بوم معینه دائره کدکرنندن
اصول محاکمه حقوقیه قانون موقتك ایکوز
یکرمی طقوزنجی ماده سی موجبجه تدقیقات
تمیزیه اجراسنه ابتدار قلندی .

اعلام مذکورك خلاصه مالی مزبور حاجی
ابراهیم کندوسنك مالی بولنان برچفت اوکوزینی
مزبور احمد رفیق جبراً الب اخورینه حبس
ایلدیکندن بخله حقنده معامله قانونیه نك اجراسنی
طلب ودعوی ایتسنه قارشو مزبور احمد رفیق
اغا دخی مدعابه اوکوزلری جبراً الیدیغی بالانکار
انجق الی بش عدد سیم محیدی فیئات قطع ایدیلهرك
بدلنك دخی قریه مذکورده نك اعشاریه خصمی
مزبور ايله مشترک اولدیغندن حسابلری رؤیت
اولندقدنصکره ایجابنه باقیله جقنی عندالحاکمه
مدافعه بیان وتذکار ایتیش ایسه ده جریان ایدن
محاکمه نتیجه سنده مذکور اوکوزلر مزبور احمد
رفیق طرفندن جبراً النیوب اعشار شرکتندن

طولانی الاجفته محسوباً اخذ ایدیلدیکی مدعی
حاجی ابراهیم جانبندن بالاقامه اولسایده استماع
قلنان مخبرلرک اخباریه ثابت اولدینی بیانیله مذکور
اوکوزلرک مزبور حاجی ابرهیمه تسلیمه و مزبور
احمد رفیق اغانك اعشاردن طولانی برکونه
دعواسی واریسه عائد اولدینی محکمه یه مراجعتی
لزومنه قرار ویرلدیگندن ومستدعی تمیزك اشبو
اعلام علیه نه لایحه سنده محرر اعتراضاتك
باشلوجه سی دعوی واقعه حقنده ترجیح بینات
قاعده سنه تطبیقاً اجرای معامله اولنق لازم کور
ایکن محکمه جه بوراسنه دقت اولنیه رفق حکم
اولنسی مغایر قانون اولدیغندن بخله اعلامك
نقضی استدعاسندن ومدعی علیه لایحه سنده
مندرج نتیجه جوابی دخی اعتراض مذکورك
واهی اولدینی بیانیله ردی وموافق اصول وقانون
اولان اعلامك تصدیق طلبندن عبارت بولنمشدر .

ایجابی مذاکره اولندقدده اعلام مذکور
مألندن اکلشلدینی اوزره دعوی واقعه قارشو
بدایه مدعی علیه بولنان مزبور احمد رفیق اغانك
مذکور اوکوزلری الی بش عدد سیم محیدی
فیئات قطعیه الدم دیسندن براشترا دعواسنه
تصدی ایلدیکی اکلشلمسنه کوره محکمه جه

منزبور احمد رفيق اغايه مدافعه سی تصویر
و تصحيح ايتدير يله رك دعواسنك صحتي اكلاشديني
تقدبرده مدعاسنه موافق كندوسندن بینه طلب
اولنقى ايجاب ايدر ايكن محكمه جه بويولده بر كونه
اجراى معامله اولنقسزین بر منوال محرر حكم
اولنسى مفایر قانون اولديغنه و مستدعینك اعتراضی
بوجهته متدائر اوله رق موافق نفس الامر
كورنديكنه بناء اصول محاكمه حقوقه قانوننك
ايكوز اوتوز ايكنجي و ايكيوز قرق برنجی ماده لری
موجبجه اعلام مذكورك تقضيله قانون مزبورك
ايكيوز قرق درنجی ماده سی حكمه توفيقاً
كيفيتك يكيدين بالرؤيه اعلامه ربطی ضمننده
محكمه مذكوره به اعاده سنه و زيرده مفرداتی
مرقام درتيوز يكرمی طقوز بيق غروش مصارف
محاكمه نك ايلرده حقسز چيقه حق طرفه رجوع
ایتمك اوزره اول امرده مستدعی تمیزدن النمسنه
فی ۱۵ اغستوس سنه ۳۰۷ تاريخنده متفقاً قرار
ويرلدى .

اعلام مذكورك خلاصه مالى مرقوم حسنى
اغاك بدرندن انتقالاً متصرف اولدينى نوركاح
قریه سنده كائن معلوم الحدود برباب خانه به مزبور
مصطفى افندى طرفدن واقع اولان مداخله نك
منعنى طلب و ادعا ایتسنه قارشو عندالحاكمه مدعى
عليه مصطفى افندى دخی منازع فيه خانه تداول
ايادى قرى اوغلى حسين نام كسسه دن شراء
كندوسنك ملكى اولدينى بالبيان تواتراً اثبات
ايله جكنى تذكار ايتمش ايسده منازع فيه خانه
مدعى مرقومك اباعن جد ملكى اولدينى اولبابده
اقامه اولنان شاهدرك شهادتلى و دفتر خاقانى
قيدى دلالتى ايله ثابت اولديغنه بناء بجله نك بيك

سكزيوز اون سكزنجى ماده سی موجبجه مذكور
خانه به مصطفى افنديك منع مداخله سنه قرار
ويرلديكندن واشبو اعلام عليهنده مستدعی
تميزك لایحه سنده محرر اعتراضاتك باشلوجه سی
عندالحاكمه درمیان ایلدیكى دفع دعواسنك سمع
اعتباره النیه رق مسكوت عنه براغلمسى مفایر قانون
اولديغندن بجله تقضى استداسندن عبارت
بولمشدر .

ایجابى مذاكره اولندقدن مندرجات اعلامدن
مستفاد اولدينى اوزره طرفین بیننده منازع فيه
اولان خانه به مدعى عليه مصطفى افنديك واضع الید
اولديغنه دائر استماع اولنان شهودك على الاصول
امر تركیه سی اجرا قلنديك ذكر وتصريح
قلنامش اولدينى مثللو ذكر اولنان خانه حقدن
مرقوم حسنى اغاك اقامه ایلدیكى تصرف ادعاسنه
قارشو مزبور مصطفى افنديك درمیان ایلدیكى
مدافعه نك لایق وجهله و قانون دائره سنده تدقیق
ایدیلررك تبیین ایدیه جك حاله كوره اسباب موجب
قانونیه استناداً حكم اعطاسی لازمه دن اولدينى
حاله محكمه مرقومه جه بوراسنه دخی دقت
اولنیه رق بر منوال محرر قرار ویرلسی یولسز
و قانونه مفایر و مستدعینك اعتراضی موافق

محكمه استیناف حقوق قسمندن ۲۰ ایلول سنه
۳۱۰ تاريخی و یوز التی عددی ايله صادر اولان
اعلامك تمیزینى استدعا ایدن در سعادتده محمود
باشاده فالجیله خاننده ساكن لوقنطه جی بغوص
اغا وکیل عطا افندی ايله مدعى عليه جهانگیرده
اوزون یولده یكرمی طقوز نومرولى خانه ده

ساکن عبده سامی بك وکیلی طروس افسدی
یوم معینده دائرہ کیش اولدقلرندن ایضاحات
شفاهیہ لری استماع قلندقدن صکرہ تدقیقات تمیزیہ
اجراسنه ابتدار اولندی .

اعلام مذکورک خلاصہ مالی میر مومی الیه
سامی بکک حال صغیرنده کندوسنک مالندن
اولق اوزره سرقرنای حضرت شہریاری اسبق
محمد نشأت بکک استقرض ایلدیکی مبالغ معلومه
دیگر کمنه لرایله مرقوم بقوص اغا کفالت ایتیش
اولدیغندن مبالغ مذکورده دن غیراز استیفا ایکوز
قرق الی لیرانک کفیل مرقومدن تحصیلیله
بوابده وضع ایتدیرمش اولدینی حجزک تصدیقی
اسکدار بدایت محکمہ سنده طلب ودعوی ایتیشی
ومدعی علیه بقوص اغانک اجابت ایتامسی
اوزرینه محکمہ مرقومه جه اجرا قلنای محاکمه
وتدقیقات نتیجه سنده مومی الیهک دعوی
مذکورده دن طولانی مدعی علیه بقوص اغایه
معارضه دن منعه دائر لاحق اولان اعلام غیابی
علیهنده مومی الیه سامی بك جانندن استیناف
دعواسنه قیام اولمش اوزرینه اجرا قلنای
محاکمه ده مستأنف علیه بقوص مدت استینافیه نک
مرورینی ادعا ایتیش ایسه ده اعلام مستأنف به

غیابی اولمشیه اعتراض مدتک داخل حساب
اولدیغندن اعتراض واقعک ردیلہ اعلام غیابنک
فسخندن صکرہ اساس ماده بالتدقیق مدعا به ایکوز
قرق الی لیرانک کفالتی حسیله مرقوم بقوص
اغادن مع فائض تحصیلنه وحجز موضوعک
تصدیقته حکمدن ومستدعی بقوص اغانک وکیلی
عطا اقدینک اشبو حکم علیهنده کی اعتراضاتک
خلاصہ سی مومی الیه عبده سامی بکک مدیون
اصیل نشأت بکک ترکہ سندن غرامہ مأخوذی
اولان مبالغ اوزرینه اولباده ترکہ مذکورده نک
غرما وویسنه اعطا ایلدیکی سندنده متوفای
مشار الیهک ترکہ سنده برکونه علاقہ سی قالمدینی
بیان ایلمشی وکرچه مذکور سنده اشبو عدم
علاقه وکفلانک مستئنا بولندینی درج وتبیک
ایتیش ایسه ده مومی الیه عبده سامی بکک ترکہ
مشار الیهی اولصورته ابرا ایتیشی کفلانک ابراسنی
متضمن بولندینی جهتله موکلنک بوابده عدم
مسئولیتی درکار اولدینی حالده عندالاستیناف
کفالت واقعنک بقاسیله مسئولیتی طرفه کیدلمسی
یولسز ومغایر اصول بولندیغندن بختله اعلامک
نقضی ومدعی علیه عبده سامی بکک وکیلی طروس
اقدینک نتیجه جوابی دخی موکلی عبده سامی
بکک مشار الیهک ترکہ سنه ویرمش اولدینی ابرانامه

غرامہ مأخوذی اولان مبالغدن فضلہ سی ایچون
اولوب یوقسه مبالغ مطلوبه دن هنوز استیفا
ایده مدیکی متباقیسی ایچون کفلانی ابرا ایتدیکی
جهتله بواساسه مستند اولان حکم استینافی موافق
اصول وقانون اولدینی بیانیله اعتراضات واقعنک
ردی وموافق اصول وقانون اولان اعلامک
تصدیقی طلبندن عبارت بولمشدر .

ایجابی لدی المذاکره تمیزی طلب اولنای
اعلام مذکور مالندن اکلاشلدینی اوزره بدایت
محکمہ سندن صادر اولان اعلامک غیابی اولمشنه
نظراً مدت استینافیه نک مبدئی اعتراض علی الحکم
مدتک مرورندن صکرہ اولق ایجاب ایده چکنه
وبوجهتله استیناف مدتک هنوز مرور ایتامسنه
بناءً استیناف استدعایامه سنک قبولیلہ بوجه محرر
حکم وقرار ویرمش ایسه ده بومقوله مدت
اعتراضک استیناف مدتدن تزیل اولمشی غیاباً
محکوم اولان طرف حقنه اولوب دعوی
واقعده ایسه حکم ابتدائی مستأنف عبده سامی
بکک وجاهنده ویرمش وبومقوله بالمواجهه محکوم
اولان اشخاص حقنه مدت اعتراضک تزیل
اولسی لازم کلیه چکی جهتله عندالاستیناف

بوابده اجرای تدقیقات ایله مدت حقنه تبین
ایده چک حاله کوره قرار ویرمش قانوناً مقتضی
بولمش اولدینی حالده بوجهت مهمه به دقت اولنای
مغایر اصول وقانون بولمش اولدیغندن اصول
محاکمه حقوقیه قانوننک ایکوز قرق برنجی ماده سی
موجبجه اعلام مذکورک تقضیلہ قانون مذکورک
ایکوز قرق دردنچی ماده سی حکمنه توفیقاً
کیفیتک برمنوال مشروح یکیدن بالتدقیق اعلامه
ربطی ضمنده قسم مذکورہ اعاده سنه وزیرده
مفردتی مرقم درتیوز اون طقوز بچق غروش
مصارف تمیزیه نک ایلروده حقسنر چیقہ جق
طرفه رجوع ایتک اوزره اول امرده مستدعی
بقوص اغادن اخذ واستیفا سنه ۷ کانون ثانی سنه
۳۱۰ تاریخنده متفقاً قرار ویریلہ رک تفهیم
قلندی .

سپروز بدایت محکمه سندن ۹ حزیران سنه ۳۰۸ تاریخی ویکرمی عددی ایله استینافا ویریلان اعلامک تمیزینی استعدا ایدن مالیه خزیننه جلبله سی وکیلی رشید افندی یوم معینده دائره یه کلش ایسه ده مدعی علیه تیمور حصار قصبه سنک جامع وسط محله سنده ساکن فراش مصطفی افندی کلماش اولدیفندن وکیل مومی الیهک ایضاحات شفاهی سیله باش مدعی عمومی معاونلرندن سعادتلو یورغاک افندینک مطالعه سی استماع قلندقدنصرکه تدقیقات تمیزیه اجراسنه ابتدار اولندی.

اعلام مذکورک خلاصه مالی مزبور مصطفی افندینک طقسان بر سنه سنه محسوباً جانب خزیننه دن درعهده والتزام ایتیش اولدینی رادوه ویولو قریه لری اعشارندن طولانی مبرز قیدی صورتی موجبجه دینی بولنان طقوز بیک سکسان غروشک تحصیلنه دائر تیمور حصار قضای بدایت محکمه سندن ویریلان اعلام حکمنه عدم قناعتله مستأنف مصطفی افندینک استیناف محکمه سنه بالمراجعه تصدی ایلدیکی استیناف دعواسی اوزرینه جریان ایدن محاکات و تدقیقات نتیجه سنده مزبور مصطفی افندینک ملتزم اولوب اولدینی اکلشملق اوزره بوباده کی دین سندی و مزاد قائمه سی

واحاله دفتری ابراز ایذیله مامش و کرچه مبرز مضبوطه ملتزم اولدینی کوسترلش ایسه ده اشبو ورقه بیسان حالی مین اولوب احتیاجه صالح وثبوت مدعایه کافی کوریه مامش اولدیفندن خزیننه مشارالیهانک بوباده کی دعواسنک ردینه حکمدن و مستدعی تمیز خزیننه مشارالیهانک وکیلی رشید افندینک اشبو حکم علیهنده کی اعتراضاتنک خلاصه سی ویریلان حکمک بر ماده قانونیه یه استناد ایدلامسی و اساساً مزبورک قریتین مذکور تین اعشارینی تعشیر ایلدیکی تحت اعترافنده ایکن ملتزم اولدیفنه ذهاب اولنسی واولیاده کی اوراقک محاسبه دن جلب و مطالعه ایدلمسی ایجاب ایدر ایکن بوندن دخی ذهول ایدلمسی یولدنز و مغایر قانون اولدیفندن بحثله اعلامک تقضی و مدعی علیه فراش مصطفی افندینک لایحه سنده مندرج نتیجه اجوبه سی دخی اعتراضات مسرو - ده نک واهی و بی اساس اولدینی بیانیله ردی و موافق اصول و قانون اولان اعلامک تصدیق طلبندن و معاون مومی الیهک مطالعه سی ایسه مستند ادعا اولان مزاد قائمه سیله التزام سندینک جایی ضمنتده جانب محاسبه یه تذکره یازلش اولدینی حالده بونلرک جوابنه انتظار ایدلمکسزین حکم اعطاسنه شتاب اولنسی اصول و قانونه مغایر اولوب مستدعی خزیننه مشارالیهانک وکیلی رشید افندینک اعتراضیه انقبالیان مطالعه نامه مالی موافق نفس الامر کورنش اولدیفندن اصول محاکمه حقوقیه قانوننک اکیوز اوتوز ایکنجی ماده سی موجبجه اعلام مذکورک تقضیه قانون مذکورک اکیوز فرق دردنجی ماده سی حکمنه توفیقاً کیفیتیکدن بالرؤیه

اعطاسنه شتاب اولنسی موافق قانون کوریه مدیکی بیانندن عبارت بولنمشدر .

ایجابی مذاکره اولندقدن اعلام مذکور مائندن اکلشملدینی اوزره مزبور مصطفی افندینک بدل التزامدن طولانی جانب خزیننه دینی بولنان طقوز بیک کسور غروشک تحصیلنه دائر تیمور حصار قضای بدایت محکمه سندن ویریلان اعلامک عندالاستیناف فسخیله منازعه یه اولان اعشار التزامی خزیننه مشارالیهانک اصولاً اثبات ایده مدیکی و ابراز ایلدیکی مضبوطه ایسه احتیاجه صالح کوریه مدیکنندن دعوائی واقع سنک ردینه حکم اولنسی ایسه ده مستند ادعا اولان مزاد قائمه سی ایله التزام سندینک جایی ضمنتده جانب محاسبه یه تذکره یازلش اولدینی حالده بونلرک جوابنه انتظار ایدلمکسزین حکم اعطاسنه شتاب اولنسی اصول و قانونه مغایر اولوب مستدعی خزیننه مشارالیهانک وکیلی رشید افندینک اعتراضیه انقبالیان مطالعه نامه مالی موافق نفس الامر کورنش اولدیفندن اصول محاکمه حقوقیه قانوننک اکیوز اوتوز ایکنجی ماده سی موجبجه اعلام مذکورک تقضیه قانون مذکورک اکیوز فرق دردنجی ماده سی حکمنه توفیقاً کیفیتیکدن بالرؤیه

اعلامه ربطی ضمنتده محکمه مذکوریه اعاده سنه وزیرده مفرداتی سرقم اوچیوز یتیش درت بحقی غروش مصارف تمیزیه نک ایلروده حقسز چیه حق طرفه رجوع ایتک اوزره اول امرده مستدعی خزیننه مشارالیهانک التمسنه ۱۰ تشرین ثانی سنه ۳۱۰ تاریخنده متفقاً قرار ویریه رک تفهیم قلندی .

محکمه استیناف تجارت قسمندن ۸ کانون اول سنه ۳۱۰ تاریخی و طقسان بش عددی ایله ویریلان اعلامک تمیزینی استعدا ایدن بحرسفید (ب م) کورجی واپور قومپانیه سی دیر کتوری طودورا کی (م) کورجی وکیلی ایلیا مالیاقه افندی یوم معینده دائره یه کلدیکندن مدعی علیه استانبولده لیون اسکله سنده بش نومرولی مغازه ده مقیم تجارندن لاغوتسی حالقوش شرکتی وکیلی شوکت بکک ورود ایتیش اولمسيله ایضاحات شفاهی سی استماع

قلندقدن صکره تدقیقات تمیزیه اجرا سنه
ابتدار اولندی .

اعلام مذکورک خلاصه مالی مزبور
لاغوتی حالقوش شرکتک لیون بداندن اون
طقوز بیک غروشله ایکی قات نول اولوق اوزره
پشینا ویریلان یدییوز یتیش یدی غروش یکریمی
سکیز پاره نک مع گذشته مذکور کورجی قومپا .
نیه سندن تحصیلی حکمنی حاوی محکمه تجارت
بحریدن استحصال ایتیش اولدینی اعلام علیهنده
مذکور قومپانیه طرفندن محکمه استیناف تجارت
قسمنه بالمراجعه استیناف دعواسنه قیام اولنه رق
بردرجیه قدر طرفینک عما که لری اجرا قلندینی
حالده اخیراً مستأنف علیه شرکت مذکور
وکیلی طرفندن سقوط دعوی طلبی متضمن
ویریلان استدعا اوزرینه جریان ایدن محاکمه
وتدقیقات نتیجه سنده کیفیتک اخیراً تعلیق اولدینی
۲۱ نیشان سنه ۳۱۰ تاریخده مذکور قومپانیه
وکیلی مالیاقه افندینک محکمه ده حاضر بولندینی
اولبابده کی ورقه دعوتیه زیرنده محرر شرحده
امضاسی بولنامسیله ثابت و بناء علیه سقوط
دعوی حقنده کی مدتک تاریخ مذکور دن مقدم
اتفاق طرفین ایله مصلحتک تعلیق ایدلیدی ۹ نیشان

سنه ۳۱۰ تاریخندن بالا اعتبار حساب اولنمی
لزومی بدیهی و تاریخ مذکور دن سالف الذکر
استدعانک اعطا اولدینی ۱۷ تشرین اول سنه ۳۱۰
تاریخنه قدر الی آبی متجاوز مدت مرور ایدلیدی
بالحساب ۱ کلاشامغه برابر مدت مذکور
۲۱ نیشان سنه ۳۱۰ تاریخندن اعتباراً حساب
اولدینی حالده بیله محاکمه نک اجرا اولنمقده
اولدینی بوکونه قدر ینه الی ماهی متجاوز مدت
گذران ایتیش و بومدت ظرفنده مستأنف طرفندن
تعقیب دعوی اولنمدینی درکار بولنمش اولدینه
بناءً اصول محاکمه حقوقیه قانوننک یوز طقسان
دردنجی ماده سی موجبجه مستأنف مذکور
قومپانیه نک حق استینافینک سقوطنه حکمدن
و مستدعی تمیز مذکور قومپانیه وکیلنک
لایحه سنده محرر اعتراضاتک باشلوجه سی کیفیتک
تعلیق اولدینی ۲۱ نیشان سنه ۳۱۰ تاریخندن
سقوط دعوی طلبی حاوی اولان استدعانک اعطا
قلندینی ۱۷ تشرین اول سنه ۳۱۰ تاریخنه قدر
حساب ایدلیدی حالده الی آبی ترک دعوی
اولنمدینی میدانده ایکن بوجهتک نظر دقته
الهامسی مغایر قانون اولدیندن بخله اعلامک
نقضی ومدعی علیه شرکت مذکور وکیلنک
نتیجه جوابی دخی اعتراضات واقعه نک واهی و بی

اساس اولدینی بیانیه ردی و اعلام مذکورک
تصدیقی طلبندن عبارت بولنمشدر .

ایجابی مذاکره اولندقدن اعلام مذکور
مندرجاتندن مفهم اولدینه کوره استینافاً اولبابده
سقوط دعوی طلبی متضمن ویریلان استدعا
اوزرینه مستأنف اولان مذکور قومپانیه نک
سقوط دعواسنه قرار ویرلش ایسه ده کیفیتک
اخیراً تعلیق قلندینی ۲۱ نیشان سنه ۳۱۰ تاریخندن
مذکور استدعانک تاریخ اعطاسی اولان ۱۷
تشرین اول سنه ۳۱۰ تاریخنی بیننده کی مدت
حساب اولدینی تقدیرده الی آبی مرور ایتیدی
آشکار اولدینی حالده استینافاً بوجهت نظر دقته
المفسرین برمنوال محرر قرار ویرلشی قانونه مغایر
و مستدعی تمیز وکیلنک اعتراضی موافق نفس الامر
اولدینته بناءً اصول محاکمه حقوقیه قانوننک
ایکیوز اوتوز ایکنجی ماده سی موجبجه اعلام
مذکورک نقضنه وزیرده مفرداتی محرر درتیوز
اون طقوز بحق غروش مصارف تمیزیه نک ایلروده
حقسز حقیقه جق طرفه رجوع ایتک اوزره اول
امرده مستدعی تمیز کورجی قومپانیه سندن
التمسنه ۱۳ شباط سنه ۳۱۰ تاریخنده متفقاً قرار
ویریله رک تفهیم قلندی .

ایکنجی تجارت محکمه سندن ۱۹ کانون اول
سنه ۳۱۰ تاریخنی و بشیوز یتیش عددی ایله ویریلان
اعلامک تمیزینی استدعا ایدن اصمه التنده جابباز
خاننده بش نومرولی او طه ده مقیم صراف نیکفور
ولد پترو یوم معینه دایره یکلش ایسه ده مدعی علیه
در سعادتده شنکل حامی مستأجری بکراغا وکیلی
علی اغا ورود ایتدیکندن یالکر مستدعی مرقومک
ایضاحات شفاهی سی استماع قلندقدن صکره تدقیقات
تمیزیه اجرا سنه ابتدار اولندی .

اعلام مذکورک خلاصه مالی مزبور بکر
اغانک نیکفور ذمتنده الاجنی اولان یکریمی عدد
عثمانلی لیراسنک تحصیلی حکمنی حاوی استحصال
ایدلیدی اعلام غیابی حکمنه مرقوم نیکفور اغانک
عدم قناعتله اعطا ایتیدی اعتراض علی الحکم
عرضحالک حکم غیابی بی دفع و جرح ایدر اسباب
قانونیه بی جامع اولمامسندن طولانی ردینه دائر
ویریلان قرار اوزرینه معترض مرقوم نیکفور اغا
تجدیداً برقطعه عرضحال اعطا ایتیش وهرنه قدر
اشبو عرضحال مدت قانونیه نک مرورندن صکره
ویرلش ایسه ده اشبو عرضحال بالضروره اولکی
استدعانک اکیال نواقضی متضمن اوله رق ویریلوب
شوصورتله مدت اعتراض مرور ایتامش اوله جغه

مبنی مذکور ایکنجی عرضحالک دخی قبول و طرفینک حال سابقه ارجاعندن صکره سبق ایدن عاکمه و تدقیقات نتیجه سنده حکم غیابینک تصدیقه حکمدن و مستدعی تمیز نیکفورک اشبو حکم علیهنده کی اعتراضاتک باشلوجه سی بدایه در میان اولنان ادعایک تدقیق و اعلامه درج و تبتیق اولنما غله برابر مدعی عمومی دخی بولندینی حالده مطالعه سنک تحریرندن صرف نظر اولنمی مغایر قانون اولدیغندن اعلامک نقضی و مدعی علیه بکر اغانک لایحه سنده مندرج نتیجه جوابی دخی حکم واقع اسباب موجبیه مستند و اصول و قانونه موافق اولدینی بیانیله اعتراضات واقعه نك ردی و اعلام مذکورک تصدیق استدعا سندن عبارت بولمشد .

ایجابی مذاکره اولدوقده اعلام مذکور مندرجاتندن منقهم اولدینی اوزره بدایه بر منوال محرر حکم اولنمش ایسه ده معترض مزبور نیکفور اغانک اولبابده کی اعلام غیابی حقنده اعطا ایتمش اولدینی اعتراض علی الحکم عرضحالک قانون دائره سنده تنظیم قلماسیله قبول اولنماسی اوزرینه بتکرار تنظیم و اعطا ایلدیکی ایکنجی اعتراض عرضحالک مدت اعتراضک مروریله برابر قبولی

ضروری اولدینی بیانیله محکمه جه اولکی استدعا مقامه اوله رق قبول ایدلش ایسه ده بومثلاو اعتراض عرضحالک قبولی هر حالده مدت قانونیه سی ظرفنده اعطا قلماسیله مشروط بولندینی حالده مجرد مذکور عرضحالک اکمال نقصان اوزرینه ویرلدیکی و بنابرین قبولی ضروری اولدیغندن بمثل قبول ایدلشی قانونه مغایر اولدیغنه بناء اصول محاکمه حقوقیه قانوننک ایکوز قرق برنجی ماده سی موجبیه اعلام مذکورک نقصنه و ایکوز قرق در دنجی ماده سی حکمنه توفیقاً کیفیتک یکیدن بالرؤیه اعلامه ربطی ضمننده محکمه مذکوریه اعاده سنه وزیرده مفرداتی محرر در تیوز اون طقوز بحق غروش مصارف تمیزیه نك ایلروده حقسنر حقیقه جق طرفه رجوع ایتمک اوزره اول امرده مستدعیدن الخمسنه ۲۳ شباط سنه ۱۳۱۰ تاریخنده متفقاً قرار ویریلرک تفهیم قلندی .

لازستان بدایت محکمه سندن ۲۵ تموز سنه ۳۰۳ تاریخی و اوتوز دوت عددی ایله ویریلان اعلامک تمیزی نی استدعا ایدن ریزه قصبه سنک خالدوز محله سنده ساکن قنجی اوغلی محمد رئیس یوم معینه کلدیکی کی مدعی علیه اولان ریزه رسومات مدیریتی ایچون رسومات امانت جلیله سی طرفندن بر وکیل کوندردلیدکندن باش مدعی عمومیلک مأموریت علیه سنک مطالعه نامه سی التقدن صکره اصول محاکمه حقوقیه قانوننک ایکوز یکرمی طقوزنجی ماده سی موجبیه تدقیقات تمیزیه اجرا سنه ابتدار اولندی .

اعلام مذکورک خلاصه مالی محمد رئیسک سوار اولدینی فلک سیهله مذکور خالدوز اسکله سندن ایکی بیک عدد پورتقالی بلارسم روسیه ممالکنه قاچر مش اولدینی کی عودتسنده دخی کتوردیکی قرق عتیق کیله مصر بغدادی ایله یکرمی بش طوب فانیله نك کمرک رسمنی ویرمکسرین کزلیجه آشور مش اولدیغندن بمثل بونلرک مصادره بدلیری اولان ایکی بیک ایکوز یتش غروشک مرقوم محمد رئیسندن تحصیل ریزه رسومات مدیری سلیمان بک لازستان بدایت محکمه سنه مراجعتله

طلب و دعوی ایتمش ایسه ده مرقوم محمد رئیسک سوار اولدینی فلک سنک پورتقال محمول اوله رق حرکت ایلدیکی اصولاً اثبات ایده مدیکی کی حین عودتسنده دخی سالف البیان اشیان بش طوب فانیله کتوردیکنه دائر اقامه ایلدیکی شاهدلر دعوییه موافق صورتده ادای شهادت ایده مدکرندن مدیر مومی الیهک اشبو ایکی جهت حقنده ادعا سنک ردیله بلارسم کمرکدن کچورلدیکی مدعی علیه اقرار یله تحقیق ایدن مذکور قرق کیله مصرک بدل مصادره سی اولان بشیوز یکرمی غروشک رایج ایچه اوله رق مرقوم محمد رئیسندن تحصیلنه حکمدن و مستدعی محمد رئیسک اشبو حکم علیهنده لایحه سنده محرر اعتراضاتک باشلوجه سی کندوسنک فلک سنه تحمیل ایتمش اولدینی مصرک یدنده موجود تذکره سنه موافق اولدینی حین معاينه ده اکلاشلمش و بوندن فضله برشی ظهور ایتمدیکی دخی سورمنه رسومات مدیریندن واقع اولان استعلامه جواباً کلان تحریر اتده بیلدیرلش اولدینی حالده قایقنک یوز سکسان کیله استیعابنه تحمیل اولدینی حقنده کی افاده سنک محکمه جه اقرار معناسنده تلقیسیه قرق کیله مصر بدلله محکوم

ایدلسی یولسز اولدیغندن بختله اعلامک تقضی
استدعاسندن ویمیز علیه ریزه رسومات مدیریتک
لایحه سنده مندرج نتیجه جوابی دخی حکم واقعک
اقراره مستند اولدینی بیانیله تصدیق طلبندن
وسالف الذکر مطالعه نامه مالی دخی بدلی محکوم
اولان مصر بغدادی حقنده کی حکم ابتدائیک تحریراً
وقوعبولان اقراره مستند اولسییه اعتراضات
مسروده نک موافق قانون کوریه مدیکی بیانندن
عبارت بولمشد.

ایجابی مذاکره اولدوقده اعلام مذکور
مندرجاتندن منظم اولدینی اوزره مرقوم محمد
رئیسک بلارسم کرکدن قاچر مش اولدینی قرق
عتیق کیله مصر بغدادینک بدل مصادره سی اولان
بشیوزیکرمی غروشک تحصیلنه حکم اولمش ایسه ده
محکم نظامیه دن ویریه جک حکملرک بر ماده
قانونیه استنادی اصول محاکمه حقوقیه قانوننک
یوزاوتوزالتیجی ماده سی اقتضاسندن اولدینی جهتله
اعلام میز بهک ناطق اولدینی حکم مزبورک تطبیق
اولدینی ماده قانونیه نک متن اعلامده ارائه سی
لازمه دن بولمش ایکن لازستان بدایت محکمه سنجه

اعلام مزبورده بر ماده قانونیه کونسترامسی ماده
مبحوث عنها حکمه مقایر اولوب انف البیان مطالعه
نامه مندرجاتی دخی موافق نفس الامر کوریه -
مدیکنه بناء اصول محاکمه حقوقیه قانوننک ایکوز
قرق برنجی ماده سی موجبجه اعلام مذکورک
تقضیه قانون مزبورک ایکوز قرق دردنجی ماده سی
حکمه توفیقاً کیفیتک بالرؤیه اعلامه ربطی
ضمننده محکمه مذکوریه اعاده سینه وزیرده
مفرداتی مرقم درتیوز طقوز بحق غروش مصارف
تمیزیه نک ایلروده حقمنز جیه حق طرفه رجوع
ایتمک اوزره اول امرده مستدعی محمد رئیسندن
المنسنة ۲۴ مارت سنه ۳۰۶ تاریخنده متفقاً
قرار ویرلدی .